

Broj: 01-01.3-2988-17/16 AZ
Datum: 29.12.2016. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakon), te člana 16. Pravilnika o javnim nabavkama, preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-2988-16/16 AZ od 20.12.2016. godine v.d.direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

**ODLUKU
o izboru najpovoljnijeg ponuđača
u konkurentskom zahtjevu**

I

Ugovor za nabavku „Usluge produkcije i pripreme propagandnog/dokumentarnog programa“ u vrijednosti od 22.522,50 KM sa uračunatim popustom od 30% i PDV-om dodjeljuje se ponuđaču „TIM SYSTEM“ d.o.o. Sarajevo koji je podnio prihvatljivu ponudu sa najnižom cijenom.

II

Ponuda ponuđača Udruženje za kreativnu tehnologiju i multimediju „GOTIVA“ d.o.o. Sarajevo se odbija u skladu sa članom 68. stav (1) i (4) i Zakona o javnim nabavkama, a ponude ponuđača „HAYAT“ d.o.o. Sarajevo, „VIA MEDIA“ d.o.o. Sarajevo i „FIST“ d.o.o. Sarajevo se odbijaju u skladu sa članom 68. stav (4) i Zakona o javnim nabavkama.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa članom 88. Zakona pokrenulo konkurentski zahtjev za dostavu ponuda broj: 01-01.3-2988-16/16 AZ za nabavku: „Usluge produkcije i pripreme propagandnog/dokumentarnog programa“. Na Portalu javnih nabavki dana 18.10.2016. godine objavljeno je Obavještenje o nabavci broj: 266-7-2-283-3-95/16.

140

Kriterij za dodjelu ugovora je „najniža cijena“.

Na osnovu konkurentskog zahtjeva i tenderske dokumentacije izvršeno je javno otvaranje ponuda dana 04.11.2016. godine u 12:30 sati u prostorijama Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar, Operativni ured Sarajevo, Dubrovačka 6, Sarajevo, što je konstatovano u Zapisniku o otvaranju ponuda u skladu sa Zakonom o javnim nabavkama („Službeni glasnik BiH“ broj 39/14). Komisija je na javnom otvaranju ponuda konstatirala da je ponude predalo 7 (sedam) ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda koji je sastavni dio ove Odluke.

Shodno prijedlogu Komisije za javne nabavke iz Zapisnika o pregledu i ocjeni ponuda broj: 01-01.3-2988-16/16 AZ od 20.12.2016. godine, ugovor za nabavku „Usluge produkcije i pripreme propagandnog/dokumentarnog programa“ u vrijednosti od 22.522,50 KM sa uračunatim popustom od 30% i PDV-om dodjeljuje se ponuđaču „TIM SYSTEM“ d.o.o. Sarajevo koji je podnio prihvatljivu ponudu sa najnižom cijenom, ponuda ponuđača Udruženje za kreativnu tehnologiju i multimediju „GOTIVA“ d.o.o. Sarajevo se odbija u skladu sa članom 68. stav (1) i (4) i Zakona o javnim nabavkama, a ponude ponuđača „HAYAT“ d.o.o. Sarajevo, „VIA MEDIA“ d.o.o. Sarajevo i „FIST“ d.o.o. Sarajevo se odbijaju u skladu sa članom 68. stav (4) i Zakona o javnim nabavkama.

Shodno navedenom Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od 5 (pet) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda

**Izvršni direktor za
ekonomsko-finansijske poslove:**

.....
Ivica Ćurić, MBA



v.d. direktor:

.....
Adnan Terzić, dipl.ing.geod.

Dostaviti:

- svim ponuđačima koji su predali ponude
- a/a

Broj: 01-01.3-2988-16/16 AZ
Datum: 20.12.2016. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI PONUDA u konkurentskom zahtjevu

- 1. Naziv i sjedište ugovornog organa:** JP „Autoceste FBiH“ d.o.o. Mostar;
- 2. Predmet nabavke:** „Usluge produkcije i pripreme propagandnog/dokumentarnog programa“
- 3. Evidencijski broj nabavke:** 01-01.3-2988-1/16 AZ;
- 4. Vrsta postupka javne nabavke:** Konkurentski zahtjev
- 5. Procijenjena vrijednost nabavke:** 30.000,00 KM bez PDV-a;
- 6. Broj obavještenja o nabavci sa Portala javnih nabavki:** Obavještenje o nabavci broj 266-7-2-283-3-95/16 objavljeno dana 18.10.2016. godine;
- 7. Datum početka pregleda i ocjene ponuda:** Komisija je počela da pregleda ponude 04.11.2016. godine;
- 8. Naziv i sjedište svih ponuđača, prema redoslijedu zaprimanja ponuda:**
 1. Udruženje za kreativnu tehnologiju i multimediju „GOTIVA“ d.o.o. Sarajevo sa ukupnom cijenom ponude u iznosu od 44.460,00 KM sa uračunatim popustom od 5% i PDV-om;
 2. „HAYAT“ d.o.o. Sarajevo sa ukupnom cijenom ponude u iznosu od 34.807,50 KM sa uračunatim popustom od 50% i PDV-om;
 3. „VIA MEDIA“ d.o.o. Sarajevo sa ukupnom cijenom ponude u iznosu od 33.345,00 KM sa uračunatim popustom od 50% i PDV-om;
 4. „TIM SYSTEM“ d.o.o. Sarajevo sa ukupnom cijenom ponude u iznosu od 22.522,00 KM sa uračunatim popustom od 30% i PDV-om;
 5. „TORO“ d.o.o. Mostar sa ukupnom cijenom ponude u iznosu od 31.239,00 KM sa uračunatim PDV-om;
 6. „BORAM MARKETING“ d.o.o. Sarajevo sa ukupnom cijenom ponude u iznosu od 33.181,20 KM sa uračunatim PDV-om;
 7. „FIST“ d.o.o. Sarajevo sa ukupnom cijenom ponude u iznosu od 31.537,35 KM sa uračunatim popustom od 40% i PDV-om;

9. Podaci o pojašnjenju dokumenata u skladu sa članom 68. stav (3) Zakona ako ih je bilo:
Nije traženo pojašnjenje dokumenata;
10. Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke: Nije bilo ispravki;
11. Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

R. B.	PODACI IZ PONUDA	NAZIV I SJEDIŠTE PONUĐAČA						
		GOTIVA d.o.o. Sarajevo	HAYAT d.o.o. Sarajevo	VIA MEDIA d.o.o. Sarajevo	TIM SYSTEM d.o.o. Sarajevo	TORO d.o.o. Mostar	BORAM MARKETING d.o.o. Sarajevo	FIST d.o.o. Sarajevo
a.	Kvalifikacioni uvjeti:							
1.	<p>Lična sposobnost: Uvjet: U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan;</p> <p>Dokaz: U svrhu ispunjavanja uslova iz prethodne tačke ponuđači trebaju dostaviti Izjavu ovjerenu kod nadležnog organa (organ uprave ili notar) da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 6 tenderske dokumentacije;</p>	+	+	+	+	+	+	
2.	<p>Sposobnost obavljanja profesionalne djelatnosti:</p> <p>U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. Dokazi koji se dostavljaju moraju biti originali ili ovjerene kopije.</p>	+	+	+	+	+	+	

4.	<p>Tehnička i profesionalna sposobnost: Uvjet: uspješno iskustvo u pružanju istih ili sličnih usluga u poslednje tri (3) godine i to najmanje jedan realiziran ugovor minimalne vrijednosti 20.000,00 KM.</p> <p>Dokaz: Spisak izvršenih ugovora o pružanju istih ili sličnih usluga koje su predmet nabavke u posljednje tri godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine. Uz spisak izvršenih ugovora ponuđač je dužan dostaviti jednu potvrdu za usluge produkcije i pripreme propagandnog/dokumentarnog programa, minimalne vrijednosti 20.000,00 KM koju je izdao primalac usluge, a koja obavezno sadrži: a) naziv i sjedište ugovornih strana ili privrednih subjekata, b) predmet ugovora, c) vrijednost ugovora, d) vrijeme i mjesto izvršenja ugovora i e) navode o uredno izvršenim ugovorima.</p> <p>U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;</p> <p>Uvjet: da na raspolaganju imaju stručno osoblje za obavljanje predmetne nabavke i to minimalno: - jedan (1) producent/režiser - jedan (1) snimatelj - jedan (1) montažer - da su tehnički opremljeni i osposobljeni za pružanje predmetnih usluga</p> <p>Dokaz: b) Ispunjenost uslova iz tačke b) i c) tehničke i profesionalne sposobnosti ponuđač dokazuje dostavljanjem Izjave ovjerene od strane ponuđača, kojom pod punom materijalnom i krivičnom odgovornošću potvrđuje da ispunjava tražene uslove. Izjava je prilog tenderskoj dokumentaciji (Aneks 7).</p> <p>Kao prilog Izjavi ponuđači su dužni dostaviti i Spisak stručnog osoblja (ime i prezime, zanimanje/pozicija, radni status (stalno zaposlen, angažiran po osnovu ugovora o djelu i sl.)), kao i spisak opreme kojom ponuđač raspolaže.</p>	-	+	+	+	+	+	+	
b.	Ispunjenost uvjeta u pogledu dostavljanja svih potrebnih dokumenata prema sadržaju ponude:								
1.	Popunjen obrazac za ponudu koji je dat u aneksu 2 tenderske dokumentacije	+	-	-	+	+	+	+	
2.	Popunjen i potpisan obrazac za cijenu ponude čija forma je data u Aneksu 3 tenderske dokumentacije;	+	+	+	+	+	+	+	
3.	Izjava o ispunjenosti uvjeta iz člana 45., koja je data u Aneksu 5	+	+	+	+	+	+	+	

HB

5.	Potpisan nacrt ugovora koji je dat u aneksu 5 tenderske dokumentacije	+	+	+	+	+	+	+
6.	Ovjerene kopije dokumenata kojima ponuđač dokazuje ispunjenost uvjeta iz člana 46. (dokaz o registraciji ponuđača: izvod iz sudskog registra ili rješenje o registraciji ili sl.),	+	+	+	+	+	+	+
7.	Referenc lista i potvrda u skladu sa članom 2.3.2 tenderske dokumentacije	-	+	+	+	+	+	+
8.	Izjava o sukobu interesa čl. 52 Zakona koja je data u Aneksu 6;	+	+	+	+	+	+	+
9.	Izjava o ispunjavanju uslova iz člana 50. Zakona koja je data u aneksu 7 tenderske dokumentacije	+	+	+	+	+	+	+
1 1.	Obrazac povjerljivih informacija, u skladu sa Aneksom 4 – ukoliko ih ponuđač ima	+	+	+	+	+	+	+
1 2.	Potpisan i parafiran Nacrt ugovora koji je sastavni dio tenderske dokumentacije kao Aneks 8	+	+	+	+	+	+	+
1 3.	Parafiran Opis usluga– Aneks 9;	-	-	+	+	+	+	+
1 6.	Popis dokumentacije koja je priložena uz ponudu	+	+	+	+	+	+	+
c.	Prikaz prihvatljivosti ponuda prema obliku sadržaju i potpunosti							
1.	Uvezana u cjelinu /knjiga, obezbjeđena jemstvenikom/	-	-	+	+	+	+	+
2.	Sadržaj ponude	+	+	+	+	+	+	+
3.	Ponuda napisana neizbrisivom tintom	+	+	+	+	+	+	+
4.	Pravilno numerisana ponuda	-	-	+	+	+	+	-
5.	Ponuda napisana na jednom od službenih jezika u BiH	+	+	+	+	+	+	+
6.	Ispravke u ponudi	+	+	+	+	+	+	+
7.	Računske greške	+	+	+	+	+	+	+
8.	Ponuda potpisana od strane ovlaštene osobe	+	+	+	+	+	+	+
9.	Dostavljena kopija ponude	+	-	+	+	+	+	+
	Prihvatljivost ponude (da/ne)	ne	ne	ne	da	da	da	ne

Napomena: (+) u skladu sa tenderskom dokumentacijom **zadovoljava**; (-) u skladu sa tenderskom dokumentacijom **ne zadovoljava**

12. Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:

- Ponuda ponuđača Udruženje za kreativnu tehnologiju i multimediju „GOTIVA“ d.o.o. Sarajevo ispunjava kvalifikacione uvjete propisane članom 45., 46., Zakona o javnim nabavkama, a uvjete iz člana 50. Zakona o javnim nabavkama ne ispunjava u cijelosti i to iz sljedećeg razloga:
 - Ponuđač je dostavio potvrdu o uspješno realiziranom ugovoru, ali nije dostavio spisak izvršenih ugovora, a što je u suprotnosti sa tačkom 2.3.2 a) gdje jasno stoji da je ponuđač dužan dostaviti „*Spisak izvršenih ugovora o pružanju istih ili sličnih usluga koje su predmet nabavke u posljednje tri godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine*“
 - Ponuđač je dostavio, popunjenu i ovjerenu, Izjavu o ispunjenosti uvjeta iz člana 50. Zakona o javnim nabavkama, međutim uz istu nije dostavio prilog, spisak stručnog osoblja i spisak opreme kojom ponuđač raspolaže, a što je u suprotnosti sa tačkom 2.3.2 b) i c), gdje između ostalog stoji „*Kao prilog Izjavi ponuđači su dužni dostaviti i Spisak stručnog osoblja (ime i prezime, zanimanje/pozicija, radni status (stalno zaposlen, angažiran po osnovu ugovora o djelu i sl.)), kao i spisak opreme kojom ponuđač raspolaže*“

Također, ponuda sadrži i druge formalno-pravne nedostatke i to:

- Ponuđač je dostavio Opis (specifikaciju) usluga, međutim ista nije parafirana od strane ponuđača, što je u suprotnosti sa tačkom 6.1.1 (stavka 6) „*Parafiran Opis usluga– Aneks 9;*
- Ponuda ponuđača ne čini cjelinu, odnosno nije uvezana kao knjiga ili obezbjeđena jemstvenikom, što je u suprotnosti sa tačkom 5.1.1 tenderske dokumentacije „*Ponuda se izrađuje na način da čini cjelinu (uvezana kao knjiga ili obezbjeđena jemstvenikom)...*“
- Ponuda ponuđača nije numerisana, što je u suprotnosti sa tačkom 5.1.1 tenderske dokumentacije, gdje stoji „*Svi listovi ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati.*“

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu s članom 68. stav (1) i 68. stav (4) i) Zakona o javnim nabavkama.

- Ponuda ponuđača „HAYAT“ d.o.o. Sarajevo ispunjava sve kvalifikacione uvjete propisane članom 45., 46., i 50. Zakona o javnim nabavkama.

Međutim ponuda sadrži formalno-pravne nedostatke i to sljedeće:

- Ponuđač je dostavio potpisani Obrazac za ponudu, Aneks 2, međutim nije napisao ime i prezime osobe ovlaštene da predstavlja ponuđača
- Ponuđač je dostavio Opis (specifikaciju) usluga, međutim ista nije parafirana od strane ponuđača, što je u suprotnosti sa tačkom 6.1.1 (stavka 6) „*Parafiran Opis usluga– Aneks 9*
- Ponuda ponuđača ne čini cjelinu, odnosno nije uvezana kao knjiga ili obezbjeđena jemstvenikom, što je u suprotnosti sa tačkom 5.1.1 tenderske dokumentacije „*Ponuda se izrađuje na način da čini cjelinu (uvezana kao knjiga ili obezbjeđena jemstvenikom)...*“
- Ponuda ponuđača nije pravilno numerisana.



Naime, ponuđač je vršio numeraciju samo pojedinih listova ponude i to na samoljepljivim stikerima, što je u suprotnosti sa tačkom 5.1.1 tenderske dokumentacije, gdje stoji „Svi listovi ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati“

- Ponuđač nije dostavio kopiju ponude, što je u suprotnosti sa članom 7.1.1 tenderske dokumentacije gdje stoji „Ponuda se dostavlja u originalu i jednoj kopiji, na kojima će čitko pisati „ORIGINAL PONUDE“ i „KOPIJA PONUDE“. Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se može dostaviti i na mediju za pohranjivanje podataka (CD, USB i sl.). Kopija ponude se dostavlja zajedno sa originalom u jednoj koverti ili u dvije odvojene koverta koje su opet upakovane u jednu zajedničku kovertu ili paket.“

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu 68. stav (4) i) Zakona o javnim nabavkama.

- Ponuda ponuđača „VIA MEDIA“ d.o.o. Sarajevo ispunjava sve kvalifikacione uvjete propisane članom 45., 46., i 50. Zakona o javnim nabavkama.

Međutim, ponuda sadrži formalno-pravni nedostatak i to sljedeći:

- Ponuđač je vršio prekucavanje Obrasca za ponudu, Aneks 2, međutim isti nije sadržinski istovjetan sa Obrascem za ponudu, Aneks 2 koji je sastavni dio tenderske dokumentacije, te je isti za Ugovorni organ neprihvatljiv.

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu 68. stav (4) i) Zakona o javnim nabavkama.

- Ponuda ponuđača „FIST“ d.o.o. Sarajevo ispunjava sve kvalifikacione uvjete propisane članom 45., 46., i 50. Zakona o javnim nabavkama.

Međutim, ponuda sadrži formalno-pravni nedostatak i to sljedeći:

- Ponuda ponuđača nije numerisana, što je u suprotnosti sa tačkom 5.1.1 tenderske dokumentacije, gdje stoji „Svi listovi ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponude. Ako ponuda sadrži štampanu literaturu, brošure, kataloge i sl. koji imaju izvorno numerisane brojeve, onda se ti dijelovi ponude ne moraju dodatno numerisati.“

Shodno naprijed navedenom Komisija će dati preporuku Ugovornom organu da ponudu odbije kao neprihvatljivu u skladu 68. stav (4) i) Zakona o javnim nabavkama

13. Prikaz traženih i dostavljenih garancija za ozbiljnost ponude: Ugovorni organ nije zahtijevao bankarsku garanciju za ozbiljnost ponude;

14. Podaci o pojašnjenju ponuda: Ugovorni organ je u skladu sa članom 66. stav (1) Zakona o javnim nabavkama i članom 17. stav (7) tačka b) Uputstva za pripremu modela tenderske dokumentacije i ponuda, dopisom broj: 01-01.3-2988-12/16 AZ od 01.12.2016. godine zatražio od ponuđača TIM SYSTEM d.o.o. Sarajevo dostavu dodatnih informacija – pojašnjenje cijene dostavljene ponude, odnosno obrazloženje neprirodno niske cijene dostavljene ponude. Ponuđač je dostavio Odgovor na Zahtjev - pojašnjenje cijene dostavljene ponude – broj 1322/16 dana 06.12.2016. godine. S obzirom da se ponuđač u dostavljenom odgovoru bavio informacijama i činjenicama koje nisu zahtjevane od njega, te su iste irelevantne za predmetni postupak, kao i da iz dostavljenih analiza pojedinih cijena po stavkama, Komisija nije mogla jasno utvrditi šta obuhvataju (dnevnice, putne troškove, materijal i slično), od ponuđača je

dopisom broj: 01-01.3-2988-14/16 od 06.12.2016. godine zatraženo, ponovo, pojašnjenje cijene dostavljene ponude, a koje će se odnositi jedino i isključivo na podatke o elementima cijene koji su propisani Zakonom o javnim nabavkama. Ponuđač je dana 14.12.2016. godine dostavio pojašnjenje cijene broj 1335/16, u kojem je obrazložio ponuđene cijene za pružanje predmetnih usluga, koje je za Ugovorni organ u potpunosti prihvatljivo.

15. **Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude uredno zapakovane;
16. **Analitički prikaz traženih i dostavljenih dokaza profesionalne i tehničke sposobnosti ponuđača:** Pogledati stavku 11. ovog Zapisnika;
17. **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Pogledati stavku 11. ovog Zapisnika;
18. **Podaci o ispravkama računskih grešaka u ponudama ako ih je bilo:** Nije bilo računskih grešaka
19. **Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Pogledati stavku 11. ovog Zapisnika;
20. **Razlozi za odbijanje ponude zbog neprirodno niske cijene:** Nije primjenjivo;
21. **Analiza prihvatljivih ponuda prema kriteriju za izbor ponude:**
- Ponuda ponuđača „TIM SYSTEM “ d.o.o. Sarajevo sa ukupnom cijenom ponude u iznosu od 22.522,00 KM sa uračunatim popustom od 30% i PDV-om ispunjava sve uvjete iz tenderske dokumentacije;
 - Ponuda ponuđača „TORO“ d.o.o. Mostar sa ukupnom cijenom ponude u iznosu od 31.239,00 KM sa uračunatim PDV-om ispunjava sve uvjete iz tenderske dokumentacije;
 - Ponuda ponuđača „BORAM MARKETING“ d.o.o. Sarajevo sa ukupnom cijenom ponude u iznosu od 33.181,20 KM sa uračunatim PDV-om ispunjava sve uvjete iz tenderske dokumentacije;
22. **Rangiranje prihvatljivih ponuda prema kriteriju za izbor ponude:**

Naziv ponuđača	Cijena bez PDV-a KM	Popust	PDV (17%)	Ukupna cijena sa PDV-om i popustom KM
1. „TIM SYSTEM“ d.o.o. Sarajevo	27.500,00	30% 8.250,00	3.272,50	22.522,50
2. „TORO“ d.o.o. Mostar	26.700,00	-	4.539,00	31.239,00
3. „BORAM MARKETING“ d.o.o. Sarajevo	28.360,00	-	4.821,20	33.181,20

23. **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ponuđač „TIM SYSTEM“ d.o.o. Sarajevo, sa registriranim sjedištem u ul. Gatačka 13, dostavio je prihvatljivu ponudu sa najnižom cijenom;
24. **Podaci o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja
25. **Podaci o provjeri najpovoljnijeg**

ponuđača sa kojim ugovorni organ

namjerava zaključiti ugovor o javnoj nabavci: Ponuđač je dokumente o ispunjavanju uvjeta Lične sposobnosti iz člana 45. Zakona o javnim nabavkama dostavio u sklopu ponude, te iste nije obavezan dostavljati po prijemu odluke o izboru najpovoljnijeg ponuđača.

- 26. Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje prijedlog v.d. direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku o izboru najpovoljnijeg ponuđača:
1. Ugovor za nabavku usluga „Usluge produkcije i pripreme propagandnog/dokumentarnog programa“ u vrijednosti od 22.522,50 KM sa uračunatim popustom od 30% i PDV-om dodjeljuje se ponuđaču „TIM SYSTEM“ d.o.o. Sarajevo koji je podnio prihvatljivu ponudu sa najnižom cijenom,
 2. Ponuda ponuđača Udruženje za kreativnu tehnologiju i multimediju „GOTIVA“ d.o.o. Sarajevo se odbija u skladu sa članom 68. stav (1) i (4) i Zakona o javnim nabavkama, a ponuda ponuđača „HAYAT“ d.o.o. Sarajevo, „VIA MEDIA“ d.o.o. Sarajevo i „FIST“ d.o.o. Sarajevo se odbijaju skladu sa članom 68. stav (4) i Zakona o javnim nabavkama
- 27. Datum završetka postupka pregleda i ocjene ponuda:** Komisija je završila pregled i ocjenu ponuda dana 20.12.2016. godine;
- 28. Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**
- zahtjev za dostavu dodatnih informacija broj: 01-01.2988-12/16 AZ od 01.12.2016. g
 - Odgovor na Zahtjev za dostavljanje dodatnih informacija broj 1322/16 od 06.12.2016. g
 - zahtjev za dostavu dodatnih informacija broj: 01-01.2988-14/16 AZ od 06.12.2016. g
 - Odgovor na Zahtjev za dostavljanje dodatnih informacija broj 1335/16 od 06.12.2016. g
- 29. Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:**

Članovi komisije:

Lejla Hodžić, predsjednik komisije

Senada Lizde, član komisije

Aida Zeba, član komisije

Za sekretara Komisije imenovana je Sanela Kosovac;

Adrić Lejla
Senada Lizde
Aida Zeba

Saglasan:
Adnan Terzić
 Adnan Terzić, dipl.ing.geod.



Broj: 01-01.3-2988-12/16 AZ
Datum: 01.12.2016. godine

ZA: **TIM SYSTEM d.o.o.**
Gatačka 13
Sarajevo
fax 033 777 703
info@timsystem.ba

PREDMET: Zahtjev za dostavu dodatnih informacija - pojašnjenje cijene dostavljene ponude u konkurentskom zahtjevu za nabavku usluga „Usluge produkcije i pripreme propagandnog/ dokumentarnog programa“

Poštovani,

Na osnovu člana 66. Zakona o javnim nabavkama (Službeni glasnik BiH broj 39/14) i člana 17. stav (7) b) Uputstva za pripremu modela tenderske dokumentacije (Službeni glasnik BiH broj 90/14), molimo vas da nam dostavite pojašnjenje cijene dostavljene ponude u postupku javne nabavke usluga „Usluge produkcije i pripreme propagandnog/dokumentarnog programa“.

Komisija za nabavke je utvrdila da je cijena vaše ponude za više od 20% niža od cijene drugorangirane prihvatljive ponude, te je na osnovu navedenog ispunjen uvjet za obavezno traženje objašnjenja cijene u skladu sa članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“ broj: 90/14).

Ponuđač je dužan pisanim putem dostaviti detaljne informacije o relevantnim sastavnim elementima ponude i cijene, uključujući relevantne elemente cijene – kalkulaciju cijene, odnosno razloge ponuđene cijene. Ugovorni organ će razmotriti objašnjenja koja se na primjeren način mogu odnositi na podatke o elementima cijene:


- a) ekonomičnost pruženih usluga;
- b) izabrana tehnička rješenja i/ili izuzetno pogodne uvjete koje ponuđač ima za pružanje usluga;
- c) originalnost usluga koje je ponuđač ponudio;
- d) usklađenost s važećim odredbama koje se odnose na radnu zaštitu i uvjete rada na mjestu gdje se pružaju usluge;
- e) mogućnost da ponuđač prima državnu pomoć, s tim da ponuđač mora dokazati da je državna pomoć dodijeljena u skladu sa važećim propisima.

Ako ponuđač ugovornom organu ne ponudi osnovano obrazloženje, odnosno ponuđeno obrazloženje ne bude prihvatljivo za ugovorni organ, odnosno ne dostavi traženo objašnjenje u postavljenom roku ugovorni organ će odbaciti Vašu ponudu broj: 1029/2016 od 03.11.2016. godine u skladu sa članom 66. stav (1) Zakona o javnim nabavkama („Službeni glasnik BiH“ broj 39/14).

Handwritten mark

Na osnovu gore navedenog, a kako bi ugovorni organ u potpunosti bio siguran da ponuđač može kvalitetno i uspješno realizirati predmetne usluge, molimo vas da nam dostavite detaljne informacije i obrazloženje o razlozima ponuđene cijene, najkasnije do 07.12.2016. godine do 15:00 sati, na adresu JP „Autoceste FBiH“ d.o.o. Mostar, Dubrovačka 6, Sarajevo, ili putem fax-a 033 277 942.

v.d. direktor



Adnan Terzić, dipl.ing.geod.

Dostaviti:

- naslovu
- a/a




2/3



JP AUTOCESTE FBIH
N/r v.d. Direktora Adnanu Terziću

Sarajevo, 06.12.2016.g.
Broj: 1322/16



PREDMET: Odgovor na Zahtjev za dostavljanje dodatnih informacija - br.01-01.3-2988-12/16 AZ
(pojašnjenje cijene dostavljene ponude u konkurentskom zahtjevu za nabavku
"Usluge produkcije i pripreme propagandnog/dokumentarnog programa")

Cijenjeni,

temeljem Vašeg zahtjeva s radošću Vam dostavljamo informacije o cijenama za usluge u našoj Ponudi broj 1029/16 od 03.11.2016.

Naime, kao što ste vjerujem mogli da se uvjerite u našu referentnost i obimnu referenc listu, mi smo izuzetno ozbiljna produkcijska kuća koja svoj poslovni ugled godinama unatrag gradi na kvaliteti usluga i povjerenju klijenata. Ti klijenti su većinom upravo državne i međunarodne institucije.

Takodjer, jedini smo ponudjač na ovom konkurentskom pozivu koji u ovom trenutku realizuje sedmično tri serijala za Javni RTV Servis BIH, sa svojim vlastitim produkcijskim kapacitetima, opremom, ljudstvom, prostorom...

Uz dužno poštovanje prema ostalim ponudjačima na ovom tenderu, (izuzev Hayata) to niko od njih ne može raditi niti će ikada raditi jer takva vrsta proizvodnje zahtijeva stalno uposlen kadar, ozbiljnu produkciju, opremu i sve druge potrebne resurse.

Nadalje, kao što Vam je poznato, JP Autoceste FBIH javno su prezentirale budžet na ovom konkurentskom pozivu i da isti iznosi 30.000 KM.

U startu je , dakle, bilo jasno da će svi ponudjači da ponude iznose oko 30.000 KM.

I to se dogodilo.

Mi se nismo rukovodili tim. Mi smo se rukovodili realnim pokazateljima koliko uistinu nas nešto košta da uradimo/snimimo/proizvodemo/produkcijski zaokružimo.

Na taj smo način cijene formirali.

I u ovoj državi koja se financira od MMF tranši, kredita i grca od dugova a vi nastojite pokrenuti izgradnju novih kilometara autoputa takodjer iz kreditnih sredstava, jedini ispravan način je ponuditi realne cijene bez napuhivanja i extra profita. Produkcijom TIM System rukovodi poznata tv urednica Sanela Prašović Gadžo i upravo ona nije dozvolila da ni fening više bude obračunat od onoga što je realno i neophodno a čak je zbog javne odgovornosti insisitirala da se ako može nešto i pokloni u ponudi kako bi se pomoglo u realizaciji pozitivnog uklona prema JP Autoceste FBIH.

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03
Transakcijski račun: SBERBANK BH 140-102-00040467-27,
e-mail: info@timsystem.ba
www.timsystem.ba



Dakle, da budemo korektni i precizni do kraja, mi smo naše cijene formirali prema trenutnim jasnim tržišnim uvjetima zasnovanim na tačnim pokazateljima a ne na unaprijed definiranim budžetima prema kojima onda ponudjači "definiraju" ponudu.

Stavka 1.

Produciranje video zapisa sa dionica/lotova namijenjenih za arhivu izgradnje Koridora Vc/redovan obilazak ekipe, snimanje i fotografisanje svih gradilišta autoceste

Dužina trajanja: 1:30 min

kom 30

Pojašnjenje:

Naša cijena za jedno ovo snimanje je je 150,00 KM i to je posve realna cijena a evo i zašto. Mi dakle sedmično snimamo tri emisije širom BIH svojim vlastitim kapacitetima, ljudstvom, opremom. Non-stop smo na terenu. To gospodu u Autocestama toliko košta da se ode do Zenice ili Počitelja ili gdje god želite u BIH i da se snimi i uslika. To je realna cijena jer mi ne unajmljujemo kamermane, niti vozila, niti kamere, niti montažere. Mi to imamo i oni to rade svakodnevno.

To su sve naši resursi. Dakle, to realno košta toliko.

Stavka 2.

Produkcija dokumentarno-promotivnih filmova o izgradnji dionica Koridora Vc/ Film godišnji pregled

Dužina trajanja: 10 min

kom 1

Pojašnjenje:

Da budemo do kraja iskreni, ovdje smo mi ponudili 7.000,00 KM a mogli smo ići i niže. Da, to je jedina istina. No, nismo željeli zbog kolega i profesionalizma. Taj dokumentarno-promo film koji ste formulirali kao godišnji pregled i koji traje prema Vašem zahtjevu samo 10 minuta realno se može uraditi i za 5.000,00 KM. No, ostavili smo sebi prostora jer smo željeli da Vam kao Bonus uradimo i dužu verziju od 20 min na engleskom jeziku. Dakle, tu je matematika i ekonomičnost ponude veoma jasna. Deset minuta tog filma se sklupa od snimljenih materijala o onome što se tokom jedne godine radilo na dionicama. Uz tekstualni dio, dakle tekstualni dio koji košta cca 300,00 KM plus spiker koji čita off 300,00 KM, te obradu u postprodukciji materijala, dakle to podrazumijeva najmanje 3 dana montaže po 8h što iznosi 3000 KM, animacije, muzika, autorstvo...sve to je jos cca 3.000 KM. Ali realno je to moglo biti i manje.

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBEBANK BH 140-102-00040467-27,

e-mail: info@timsystem.ba

www.timsystem.ba

**Stavka 3.**

Produkcija video materijala i promotivnih priloga za potrebe web i Facebook stranice JP autoceste FBiH

Dužina trajanja: 1:30

kom 30

Pojašnjenje:

Dakle, ovdje smo takodjer kao i u stavci 1. ponudili cijenu od 150,00 KM/ 1 kom. Iako ovdje čak i nema snimanja navedenog! Dakle, šta to znači? Znači da želite samo produkciju priloga od 1,30 min da biste iste stavili na web i Facebook. To je samo korištenje montaže/post-produkcije. Kako mi imamo svoje produkcijske kapacitete nas to praktično ništa ne košta a to toliko kratko traje, taj 1:30 min da se tu montaža zauzima tek nekih 15-20 min. Mi imamo stalno uposlene montažere, novinare, snimatelje, spikere...tako da je nama tih 150,00 KM zarada i to dobra za nešto što oni inače svakodnevno redovno rade.

I što je za Vašu informiranost najvažnije, to je inače redovna cijena montaže priloga od 1,30 min.

✓

Stavka 4.

Produciranje, obrada, ustupanje/distribucija video i foto materijala za potrebe JP Autoceste FBiH (web, Facebook) kao i zainteresiranim TV stanicama, web portalima i printanim medijima.

kom 50

Pojašnjenje:

Za ovu stavku mi smo dali cijenu od 100,00 KM/1 kom.

Iskreno, ovo smo Vam željeli dati gratis ali nismo željeli da pomislite da smo neozbiljni.

Naime, u stavci 3. već ste tražili produciranje za facebook i web, pa sada i u stavci 4. to opet tražite.

Ukupno se na godišnjem nivou snima na terenu 30 priča od 1.30 a sada se ovdje traži 50 komada. Pa dobro.

Uglavnom, očito je riječ o nekim srodnim materijalima koji će se obradivati.

Kada se jednom obrade, produkcijski zaokruže isti se mogu ustupiti za sve medije, web portale, facebook stranice itd. Nema potrebe da se jedan te isti posao iznova svaki put naplaćuje. I šta bi se tu trebalo naplatiti?

No, zbog ozbiljnosti ponude i rizika da se ipak ima tu nešto dodatno inovativno radi na Vaš zahtjev mi smo stavili cijenu od 100,00 KM po jednom komadu iako nije navedeno ni trajanje video materijala.

To je potpuno realna cijena. Možda smo mogli ići i sa nižom.

Stavka 5. ✓

Grafičko i dizajnersko rješenje za oglase 1/2 stranice color

komada 30

Pojašnjenje:

Naša cijena za ovu stavku je bila 50,00 KM /1 kom i na bazi 30 dizajnerskih rješenja to je realna cijena. Da je riječ o jednom dizajniranju onda ne bismo sigurno išli sa cijenom manjom od 100,00 KM. No, ovako je to posve realno i tržišno opravdano gledano na količinu koju ste tražili i vrijeme koje naš dizajner utroši za pripremu tog oglasa, cca 30 min.

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBEBANK BH 140-102-00040467-27,

e-mail: info@timsystem.ba

www.timsystem.ba

**Stavka 6.**

Grafičko i dizajnersko rješenje banera- slikovitog oglasa
doublebillboard dimenzija 960x250px
billboard 998x100px
billboard 1140x200px
komada 10

Pojašnjenje:

Za ovu stavku mi smo ponudili cijenu od 50,00 KM / 1 kom.

Dizajner koji je naš uposlenik za taj posao potroši cca 30 min vremena. Naša je poslovna procjena temeljena na dobroj poslovnoj politici da Vam ponudimo veoma povoljnu cijenu za taj dio posla. I to smo i učinili.

Ponavljam, mi imamo vlastite resurse, stalo nam je da radimo i ponudili smo cijene koje su u zemlji dugova i kredita realne.

Stavka 7.

produciranje video zapisa sa potpisivanje ugovora, evenata, press konferencija i sl.

Dužina trajanja: 1:30

komada 10

Pojašnjenje:

Naša ponuda za ovu stavku je kao i za prethodna snimanja i produkciju po jednom komadu od 1:30min dakle ukupno 150,00KM/1 kom. Kao što smo prethodno obrazložili to je realna cijena. Snimanje i produkcija zapisa od od minut i po je realno 150,00KM. I da navedemo mi sve radimo uz vlastite resurse, naša oprema je FULL HD, i najkvalitetnija je trenutno u državi!

Stavka 8.

Fotografisanje poslovnih događaja

komada 20

Pojašnjenje:

Naša ponuda za ovu stavku je 150,00KM/ za jedan događaj. Žao nam je što Vam ovo nismo poklonili.

Naime, ta je cijena od 150,00 KM mogla čak ići i niže, realno niže. Npr 100,00 KM ali i ovdje smo se vodili profesionalizmom i da ne uvrijedimo druge kolege. ali, to su realne cijene.

pozovete fotografa da uslika i on Vam tačno toliko zatraži. Mi imamo vlastite resurse, osoblje, kamere i nas to košta i manje. Puno manje. Mi na tome zaradjujemo.

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba



ZAKLJUČAK

Cijenjeni,

nadamo se da ste zadovoljni sa ponudjenim objašnjenjima.

Takodjer se nadamo da ste iz ovog konkurentskog poziva nešto naučili. Naime, cijene se formiraju prema tome koliko nešto uistinu i realno košta a ne koliko je neko odredio budžet pa se onda ponudjači uklapaju u tu cifru.

U vremenu kada se nastoji u BIH uštediti svaka konvertibilna marka, meni koja sam suvlasnica Produkcijske kuće TIM System i meni koja sam osobno kreirala Ponudu za JP Autoceste FBIH, je nevjerovatno da su Vama ponudjene cijene "preniske" i da tražite "objašnjenje".

No, kako sam novinar i urednik 25 godina pamtim puno toga pa i to kako je u proteklim godinama funkcioniralo JP Autoceste FBIH, koliko ste primjerice izdavajali za snimanja tv sadržaja i koje enormno visoke iznose ste plaćali za to.


Dopustite mi stoga da na kraju kažem da je ovaj Ponudjač i da sam ja osobno izuzetno ozbiljna i da ću učiniti sve da kao klijent budete zadovoljni uradjenim poslom.

Mi smo referentni, naša Ponuda je kvalitetna, ispunjavamo sve uslove i dopustite nam da uradimo posao za Vas.

Ukoliko pak odlučite da to ne možemo jer smo dali cijene koje su za Vas "preniske" onda će to za mene biti iskreno nešto potpuno novo. Mislim da ću se posvetiti tome s velikom pažnjom u svojoj uspješnoj novinarskoj karijeri.

Za sve eventualne dodatne informacije, molim Vas da budete slobodni kontaktirati nas.

S poštovanjem,



Sanela Prašović Gadžo
Izvršna direktorica
TIM System

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba

Broj: 01-01.3-2988-14/16 AZ
Datum: 06.12.2016. godine

ZA: **TIM SYSTEM d.o.o.**
Gatačka 13
Sarajevo
fax 033 777 703
info@timsystem.ba

PREDMET: Zahtjev za dostavu dodatnih informacija - pojašnjenje cijene dostavljene ponude u konkurentskom zahtjevu za nabavku usluga „Usluge produkcije i pripreme propagandnog/ dokumentarnog programa“ – Veza Odgovor na Zahtjev za dostavljanje dodatnih informacija – br. 01-01.3-2988-12/16 AZ (pojašnjenje cijene dostavljene ponude u konkurentskom zahtjevu za nabavku „Usluge produkcije i pripreme propagandnog/dokumentarnog programa), broj 1322/16 od 06.12.2016. godine

Poštovani,

Na osnovu vašeg dostavljenog Odgovora na Zahtjev za dostavljanje dodatnih informacija – br. 01-01.3-2988-12/16 AZ (pojašnjenje cijene dostavljene ponude u konkurentskom zahtjevu za nabavku „Usluge produkcije i pripreme propagandnog/dokumentarnog programa), broj 1322/16 od 06.12.2016. godine želimo vam prije svega skrenuti pažnju na sljedeće.

Predmetni postupak javne nabavke je pokrenut u skladu sa Zakonom o javnim nabavkama („Službeni glasnik BiH“ 39/14) i donesenim podzakonskim aktima, iako je isti izuzet od primjene postupaka definiranih ovim Zakonom (Dio C - ugovori o produkciji), a sve u cilju transparentnosti predmetne nabavke.

Nakon, javnog otvaranja ponuda, održanog dana 04.11.2016. godine Komisija za nabavke je započela pregled i ocjenu zaprimljenih ponuda, te utvrdila da je cijena vaše ponude za više od 20% niža od cijene drugorangirane prihvatljive ponude.

Na osnovu člana 66. Zakona o javnim nabavkama i člana 17. stav (7) Uputstva za pripremu modela tenderske dokumentacije (Službeni glasnik BiH broj 90/14) u kojem jasno stoji „Ugovorni organ **obavezno** od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi:

- a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
 - b) cijena ponude je za više od 20% niža od cijene drugorangirane prihvatljive ponude”,
- Ugovorni organ je dopisom broj 01-01.3-2988-12/16 AZ od 01.12.2016. godine (proslijeđen putem fax-a dana 05.12.2016. godine) zatražio dostavu dodatnih informacija - pojašnjenje cijene dostavljene ponude.



AD

Dakle, u navedenom dopisu jasno i nedvosmisleno je navedeno, pozivajući se na član 66. Zakona o javnim nabavkama i član 17. stav (7) b) Uputstva za pripremu modela tenderske dokumentacije, da se od vas, kao ponuđača, zahtjeva dostavljanje detaljnih informacija o **relevantnim sastavnim elementima ponude** i cijene, uključujući relevantne elemente cijene – kalkulaciju cijene, odnosno razloge ponuđene cijene.

U vašem dostavljenom odgovoru, između ostalog, bavili ste se informacijama i činjenicama koje niti su zahtjevane od vas, niti su korektne i profesionalne, a ponajmanje relevantne za predmetni postupak nabavke.


Imajući u vidu gore navedeno, kao i dostavljenu analizu pojedinih cijena po stavkama, iz kojih Komisija nije mogla jasno utvrditi šta obuhvataju (dnevnice, putne troškove, materijal i slično), molimo vas da nam dostavite, ponovo, pojašnjenje cijene dostavljene ponude, bazirajući se **jedino i isključivo** na podatke o elementima cijene koji su propisani Zakonom o javnim nabavkama:

- a) ekonomičnost pruženih usluga;
- b) izabrana tehnička rješenja i/ili izuzetno pogodne uvjete koje ponuđač ima za pružanje usluga;
- c) originalnost usluga koje je ponuđač ponudio;
- d) usklađenost s važećim odredbama koje se odnose na radnu zaštitu i uvjete rada na mjestu gdje se pružaju usluge;
- e) mogućnost da ponuđač prima državnu pomoć, s tim da ponuđač mora dokazati da je državna pomoć dodijeljena u skladu sa važećim propisima.

Detaljne informacije i obrazloženje o **razlozima ponuđene cijene**, najkasnije do 15.12.2016. godine do 15:00 sati, na adresu JP „Autoceste FBiH“ d.o.o. Mostar, Dubrovačka 6, Sarajevo, ili putem fax-a 033 277 942.

Dostaviti:
- naslovu
- a/a


v.d. direktor


Adnan Terzić, dipl.ing.geod.



JP AUTOCESTE FBIH
N/r v.d. Direktora Adnanu Terziću

Sarajevo, 14.12.2016.g.
Broj: 1335/16



PREDMET: Drugi - Odgovor na Zahtjev za dostavljanje dodatnih informacija - br.01-01.3-2988-14/16 AZ
(pojašnjenje cijene dostavljene ponude u konkurentskom zahtjevu za nabavku
"Usluge produkcije i pripreme propagandnog/dokumentarnog programa")

Cijenjeni,

temeljem Vašeg zahtjeva ponovno Vam dostavljamo informacije o cijenama za usluge u našoj Ponudi broj 1029/16 od 03.11.2016.

Želimo istaknuti da smo cijene formirali temeljem Zakona o javnim nabavkama i Vašeg zahtjeva koji, **ISTIČEMO**, nije bio detaljan i precizan kada je riječ o primjerice dionicama/lotovima za izgradnju Koridora Vc - jer nije tačno naznačeno koje su to lokacije i koliko puta se tačno koje lokacije obilaze a što može pak uveliko utjecati na cijenu. Stoga smo paušalno odredili iznos potrošnje goriva svjesno preuzimajući rizik.

Stavka 1.

Produciranje video zapisa sa dionica/lotova namijenjenih za arhivu izgradnje Koridora Vc/redovan obilazak ekipe, snimanje i fotografisanje svih gradilišta autoceste

Dužina trajanja: 1:30 min
kom 30

Pojašnjenje:

Naša cijena za jedno ovo snimanje je je 150,00 KM:

Dnevnica za snimatelja/fotografa koji je ujedno i vozač: 25,00KM

Kamera Sony EX 3 Full HD: 40,00 KM

Kamerman: 50,00 KM

Vozilo Audi A3,gorivo, paušal: 35,00 KM

Total 150,00 KM x 30 kom: 4.500,00 KM

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba

**Stavka 2.**

Produkcija dokumentarno-promotivnih filmova o izgradnji dionica Koridora Vc/ Film godišnji pregled

Dužina trajanja: 10 min

kom 1

Pojašnjenje:

Ovdje smo mi ponudili 7.000,00 KM:

Izrada scenarija&sinopsis: 700,00 KM

Autorska naknada: 800,00 KM

Tekstualni dio filma: 300,00 KM

Spiker&čitanje off: 300,00 KM

Izrada animativnih post-produkcijskih dijelova: 1.000,00 KM

Muzička podloga: 500,00 KM

Produkcija&opcija snimanje i obrada video materijala za film/ 3 dana montaže po 8h: 3.000,00 KM

Lektor: 200,00 KM

Finalna obrada filma (konvertiranje u sve formate za emitovanje): 200,00 KM

Total: 7.000,00 KM

Stavka 3.

Produkcija video materijala i promotivnih priloga za potrebe web i Facebook stranice JP autoceste FBIH

Dužina trajanja: 1:30

kom 30

Pojašnjenje:

Dakle, ovdje smo cijenu od 150,00 KM/ 1 kom:

Produkcija/montaža video materijala/promo priloga od 1,30 min./ montažer, novinar, montaža do 1h: 125,00 KM

Kovertiranje 1,30 u fromate web&FB: 25,00 KM

TOTAL: 150,00 KM x 30 kom: 4.500,00 KM

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba

**Stavka 4.**

Produciranje, obrada, ustupanje/distribucija video i foto materijala za potrebe JP Autoceste FBiH (web, Facebook) kao i zainteresiranim TV stanicama, web portalima i printanim medijima.
kom 50

Pojašnjenje:

Za ovu stavku mi smo dali cijenu od 100,00 KM/1 kom.

Produciranje, obrada, ustupanje/distribucija video i foto materijala za potrebe JP Autoceste FBiH (web, Facebook) kao i zainteresiranim TV stanicama, web portalima i printanim medijima- **paušal montaža i angažman montažera i novinara: 100,00 KM**

(nije naznačeno vrijeme trajanja video priča zato smo odredili paušal od 100,00 KM jer dakle zahtjev nije bio izričit)

TOTAL: 100,00 KM x 50 kom: 5.000,00 KM

Stavka 5.

Grafičko i dizajnersko rješenje za oglase 1/2 stranice color
komada 30

Pojašnjenje:

Naša cijena za ovu stavku je bila 50,00 KM /1 kom

Redovna cijena grafičko/dizajnersko rješenje oglasa 1/2: 100,00 KM

Na količinu iznad 10 kom. cijena naše firme se umanjuje za 50%

U ovom slučaju cijena na bazi zahtjeva za 30 kom. je 50,00 KM (30 minuta rada našeg dizajnera za izradu jednog oglasa)

TOTAL : 50,00 KM x 30 kom: 1.500,00 KM

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba

**Stavka 6.**

Grafičko i dizajnersko rješenje banner-a- slikovitog oglasa
doublebillboard dimenzija 960x250px
billboard 998x100px
billboard 1140x200px
komada 10

Pojašnjenje:

Za ovu stavku mi smo ponudili cijenu od 50,00 KM / 1 kom.

Redovna cijena grafičko/dizajnersko rješenje: 80,00 KM

Na količinu od 10 kom. formirali smo cijenu od 50,00 KM (30 minuta rada našeg dizajnera za izradu jednog oglasa)

TOTAL: 50,00 KM x 10 kom: 500,00 KM

Stavka 7.

produciranje video zapisa sa potpisivanja ugovora, evenata, press konferencija i sl.

Dužina trajanja: 1:30

komada 10

Pojašnjenje:

Naša ponuda za ovu stavku 150,00KM/1 kom.

Dnevnicu za snimatelja/fotografa koji je ujedno i vozač: 25,00KM

Kamera Sony EX3 Full HD: 40,00 KM

Kamerman: 50,00 KM

Vozilo Audi A3 ,gorivo, paušal: 35,00 KM

TOTAL: 150,00 KM x 10 kom: 1.500,00 KM

TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba

**Stavka 8.**

Fotografisanje poslovnih događaja
komada 20

Pojašnjenje:

Naša ponuda za ovu stavku je 150,00KM/ za jedan događaj.

Angažman fotograf: 100,00 KM/ 1 događaj

Obrada i dostavljanje fotografija: 50,00 KM

TOTAL: 150,00 KM x 20kom: 3.000,00 KM


Molimo Vas da budete slobodni kontaktirati nas za sve eventualne dodatne informacije.

Podsjećamo, naša firma je visoko rangirana za poslove produkcije i promocije i kao takvi smo referentni i cijenjeni u Bosni i Hercegovini i regionu.

Iskreno se nadamo da ćete sukladno odredbama Zakona o javnim nabavkama BiH na koji se pozivate uvažiti naše detaljno objašnjenje za koje smo se konsultirali i sa Agencijom za javne nabavke BiH kao i sa Uredom za žalbe i napravili ga prema njihovom naputku i svim zakonskim procedurama i tržišnim uvjetima u BIH!

Lijepo Vas pozdravljamo!

S poštovanjem,


Sanela Prašović Gadžo
Izvršna direktorica
TIM System



TIM SYSTEM d.o.o. Sarajevo

Sarajevo, Gatačka br.13, tel.: +387 33/ 77 77 01, FAX. +387 33/ 77 77 03

Transakcijski račun: SBERBANK BH 140-102-00040467-27,

e-mail: info@timsystem.ba

www.timsystem.ba